

Sier Zorzi Pixani dottor, cavalier.
 Sier Andrea Foscarini.
 Sier Alvise Malipiero.
 Sier Zuan Miani.
 Sier Marco Orio.
 Sier Jacomo Michiel.
 Sier Alvise Grimani.

393*

Zonta del Consejo di X.

Sier Domenego Trivixan cavalier, procurator.
 Sier Alvise da Molin procurator.
 Sier Lunardo Mocenigo.
 Sier Domenego Benedeto.
 Sier Andrea Gritti procurator.
 Sier Andrea Basadona.
 Sier Michiel da Leze.
 Sier Francesco Bragadin.
 Sier Pollo Capelo el cavalier.
 Sier Michiel Salamon.
 Sier Valerio Valier.
 Sier Piero Lando.
 Sier Marco Minio.
 Non. Sier Zorzi Emo procurator.
 Non. Sier Zorzi Corner el cavalier, procurator.

Et li Savii dil Consejo, Terra ferma et Procuratori, Avogadori di comun; siehè niun manchoe.

Savii dil Consejo.

Sier Antonio Grimani procurator.
 Sier Piero Capello.
 Sier Lunardo Mocenigo.
 Sier Alvise di Prioli.
 Sier Piero Lando.
 Sier Andrea Trivixan el cavalier.

Savii di Terra ferma.

Sier Piero Contarini qu. sier Alvise.
 Sier Marin da Molin.
 Sier Pandolfo Morexini.
 Sier Marco Foscarei.

Avogadori di Comun.

Sier Francesco da Pexaro qu. sier Hironimo.
 Sier Nicolò Salamon.
 Sier Lorenzo Bragadin.

Procuratori non ballota.

Sier Alvise Pixani procurator.
 Sier Lorenzo Loredan procurator.
 Sier Antonio Trun procurator.
 Sier Hironimo Justinian procurator.

A dì 24, Domenega ultima di Quaresima.
 El Doxe fo in Colegio, non stato za' zorni, vestito con una vesta di veludo cremesin nova fodrà di fianchi per esser liziera, et di sora il manto di raxo cremesin fodrà di . . . e cussi come prima non poteva cavar le maniche fuora, cussi adesso è stà tajà dito manto e cavà le maniche fuora per più comodità di Soa Serenità.

Da poi disnar fo Gran Consejo. Fu fato elezion di Podestà a Verona. Niun passoe. Sier Alvise Gradnigo è orator a Roma, ave 775 di sì, 828 di no, il resto mancho. Patron a l'arsenal nì Auditor niun passoe. Soracomiti, sier Pollo Justinian fo soracomito qu. sier Piero e sier Bertuzzi Contarini fo patron in Fiandra qu. sier Andrea. Il resto delle voxe tutte passoe.

Fu posto dar licentia a sier Vettor Bragadin conte di Cherso et Ossero, possi venir di qui per zorni 15. Fu presa.

Fu posto, per li Consieri, la parte presa in Pregadi a dì 18 Zener, zerca trar l'oficio di Sinici di Quarantia eriminal e darlo ai Cataveri. Contradise sier Francesco Morexini qu. sier Piero ditto *Squatarin*. Li rispose sier Hironimo Arimondo di sier Andrea per la parte, poi parlò sier Piero Orio di sier Bernardin el cavalier, contra la parte. Ave 15 non sincere, 572 di sì, 829 di no. Preso di no.

A dì 25. La matina il Doxe fu pur in Colegio, 394 perchè sier Domenego Contarini et sier Bernardo Marzelo cai di X suspeseno la parte presa l'altro eri in Consejo di X con la Zonta, zerca poter venir in Pregadi li Provedadori sopra il Montenuovo con le sue opinion di serar li pro' dil Monte Novissimo e tuor danari da Montevecchio etc. per francar dito Monte novissimo etc. Atento fo 16 di sì et 14 di no siehè li Consieri terminò fusse presa la parte, *tamen* essi Cai voleno venir al Consejo di X di novo e meter per *viam declarationis* se la parte dia esser presa overo non. Et cussi li Cai di X tutti tre fo in Colegio questa matina assai, et sier Domenego Trivixan procurator, et sier Andrea Gritti procurator Provedadori sora il Monte nuovo, e il terzo sier Lorenzo Mocenigo provedador era in Colegio savio